

«Норуот  
күүһэ —  
көмүөл  
күүһэ!»

# ЭНГСИЭЛИ

2012 сыл  
Атырдах ыйын  
15 күнэ  
Сэрэдэ  
№ 105  
(10697)

1935 сыл алтынны 5  
күнүгэр төрүттэммитэ

○ Нам улуунун хаһыата ○

1996, 2005, 2009 сылларга  
«Сыл бастын хаһыата»

## БЭБЭҤЭЭ... БҮГҮН... САРСЫН...

Улуус баһылыгын  
мунһафьыттан  
бэлиэтээһиннэр

Ис дьыала отделын начальнигын бастакы солбуйааччы, полиция начальнига П.Г. Сокольников иһитиннэрбитинэн атырдах ыйын 17 күнүттэн тэрлэтэлэр кыраныссаҕа рейдэрэ тахсыылар саҕаланна. Бу рейдэлээһин сүөһүнү уоран өлөрөр, көлөпүнү хомуйар о.д.а. буруйдары онорор дьону тутууга көмөлөөх. Модукка номуо сүөһүнү уоран өлөрбүттэрэ биллибит.

\*\*\*

Баһаарнай сулууспа начальнига И.В. Колпашиков иһитиннэрбитинэн атырдах ыйын 22-24 күннэригэр баһаарнай үлэһиттэр республика тааҕы спартакиадалара ытыллыа. Манна 6 илин энэр, Томпо, Хагалас улуустарын хамаандалара, барыта 200-тэн таҕса со-трудник кыттыа. Үлэһиттэр 6 профессиональной, 6 спортивной көрүннэ күрэхтэһиэхтэрэ.

\*\*\*

ОГПН начальнига Н.А. Парников иһитиннэрбитинэн межведомственной комиссия үөрэх тэрлэтэлэрин приемкалааһыны атырдах ыйын 25 күнүгэр диэри бүтэриэхтээх. Бүгүнгү күнгэ улууска биир ойуур баһаара Искраҕа буола турар. Икки баһаар — 2 Хомустаах, Манган баһаардара умуруоруллубуттар.

\*\*\*

Атырдах ыйын 7 күнүгэр правительствонун председатели солбуйааччы Ф.В. Габышева кэлэн 1 Хомустаах оскуолатын өрөмүөнүн, Граф Бизэргэр үлэни билсипт. 1 Хомустаах оскуолатын өрөмүөнэ балаҕан ыйын 1 күнүгэр диэри бүтүөхтээх диэбит.

\*\*\*

«Намкоммунтеплоэнерго» ААО генеральной директора Н.В. Игнатьев иһитиннэрбитинэн ититэр ситими промывкалааһынна профицей, федеральной тэрлэтэлэр уонна чааһынай ыаллар сайаапка түһэрииттэр. Үөрэх тэрлэтэлэрин өттүттэн сайаапка кирибэтэх. Сокуон быһыытын бары тэрлэтэлэр ситимнэрин ыраастаахтартар.

\*\*\*

ТХУ начальнига В.Г. Алексеев иһитиннэрбитинэн республика үрдүнэн оттооһун мөлгөх — 20-30%. Хаалбыт күннэргэ күүскэ оттоохтаахпыт. Сорох нэһиликтэр тыа хаһаайыстыбатын специалистара дааннайдарын хойутаан биэрэллэр. Оттооһунна инники күөнгэ Искра, Көбөкөн, Нам селота иһэллэр. Мөлгөхтөр — Таастаах, Маймаҕа, Хатын Арыы. 5 улуустан Таастаахха, Салбанга, Никольскайга, Хамаҕаттаҕа, 1 Хомустаахха биригээдэлэр кэлэн оттуу сылдыаллар. Ходуналар, оттообут отторо ууга барыт дьонго көмө оҕоһулар сабадаланар, докумуоннар атырдах ыйын 15 күнүгэр диэри тутарыллаллар.

\*\*\*

Улуус баһылыгы Н.В. Слепцов баһаардары умуруорууга үлэ күүскэ барарын иһитиннэртэ. Билигин Искратан 7 км ыраах сиргэ буолбут баһаары умуруорууга лесхоз үлэли сылдыар

Бэлиэтэнэ В. РЫКУНОВА



Тыа сиригэр —  
дохуоттаах үлэни

Атырдах ыйын 10 күнүгэр РФ тыатын хаһаайыстыбатын министрэ Н.В. Федоров 1 Хомустаахха вертолетуна көтөн кэлэн компактной тутууну ытытарга Нам улууһа хайдах үлэли ололорун билестэ.

Кинини кытта СР Президентэ Е.А. Борисов сырытта. Москвадан кэлбит ыалдыты «Дьүрүл» хомусчуттар ансамблларын чилиэннэрэ кымыһынан аях тутан күндүлээтилэр. Н.В. Федоров кэргэнигэр сибэкки дьербөтө бэлэх туттарылына.

Атырдах ыйын 9 күнүгэр РФ тыатын хаһаайыстыбатын министрствотун тыа хаһаайыстыба сайдыытын уонна социальнай политика департаменын салайааччы Д.И. Торопов Нам улуунугар кэлэн 1 Хомустаахха тутулла турар микрорайону-компактной тутууну көрдө, үлэни билестэ. Кинини кытта

## Н.В. ФЕДОРОВ: «ОСКУОЛА-СААД ТУТУУТУГАР КӨМӨЛӨҤҮӨМ»



Дальнай Восток губернатордара сырыттылар.

Манньик компактной тутуу республика бийиги эрэ улууспутугар баара биллэр. Бу микрорайонна 108 уһаайба бариллибит. Манна 1 Хомустаах, улуус олохтоохторо олоруохтара. Уотун тардыыга, гааһын киллэригэ, сайынны водопроводунан хааччыйыыга, суолун асфальтан бүрүйүүгэ үлэлэр ытыллаллар. Бу тутуу бэйэтэ туспа бөһүөлөк курдук буолуохтаах. Ол курдук, оскуолалаах, маҕаһыннаах, атын да социальнай объектардаах буолара

былааннанар.

Н.В. Федоров микрорайонна 2010 с. дьиз туттан кириэн олоор Соловьевтар дьиз кэргэттэригэр сырытта. Соловьевтары билиһиннэрэр буоллаха, ыал аҕата Алексей Алексеевич 1976 сыллаах төрүүх, «Сахатранс-нефтегаз» УГРС слесара, «До-хсун» бааһынай хаһаайыстыба чилиэнэ. Ыал ийэтэ Аграфена Октябриновна 1980 сыллаах төрүүх, «Гранд+» маҕаһын үлэһитэ. Соловьевтар уоллаах кыыс оҕолоохтор. Уоллара Артем 12 саастаах, кыыстара Ира 9 саастаах. Эдэр ыал 7

сүөһүлээхтэр, 4 сылгылаахтар. Дьизлэрэ тупсаҕай көрүннээх, олбуор иһигэр оҕуруот, сибэкки арааһа үүннэриллибит.

Николай Васильевич уонна Егор Афанасьевич бу ыалга ыалдыт буолан мааньылаах остуолларыгар олорон чэйдээтилэр, истинник кэпсэтиллэр, хаһаайыстыбаларын хайдах сайыннаралларын туоһуластылар. РФ тыа хаһаайыстыбатын министрэ: «Үһүс оҕолоноут дуо?» — диэн хаста да быйытта. Министр бу кэлиитэ, сылдыыта улахан суолталаах буолла. Ол курдук компактной тутууга оскуола-саад тутуугар көмөлөһөр баалааһын бил-лэрдэ.

Ыраахтан кэлбит ыалдыт эдэр ыалга чайнай сервис бэлэх уонна. Онтон 1 Хомустаах баһылыгар А.П. Атласовка именной кыһыл көмүс чаһыны бэлэхтээтэ. СР Президентэ Е.А. Борисов бэйэтин аатыттан Соловьевтар оҕолоругар ноутбук бэлэхтээтэ.

РФ тыатын хаһаайыстыбатын министрэ суолта биэрэн Нам улуунугар кэлиитэ бийиги инники сайдыытыгар көмөлөөх буолуоҕар эрэнэбит.

В. РЫКУНОВА

## ТҮОХ? ХАННА? ХАҤАН?

Киин балыһа  
сонуннарыттан

Атырдах ыйын 6 күнүттэн саҕа специалистар: УЗИ-быраас Кириллин С.И., рентгенолог-быраас Калининская А.В., терапевтической отделение ординатор-быраас Кириллина О.Д., ийэ буолар дьахталларга терапевт-быраас Федотова С.А. үлэлэригэр табыстылар. Ону тэнэ Түбэҕэ — терапевт Михайлова С.А., Аппааньга терапевт Попова А.Г. үлэли кэллилэр.

\*\*\*

Туоһулуур —  
сыһыпара!

Ааспыт нэдиэлэ устата: поликлиникаҕа приемна сырыттылар — 1371 ыарыһах; «Суһал көмөҕө» — 114 ыныры кирирдэ; родильный отделение — 3 оҕо (2 уол, 1 кыыс) күн сири көрдө; хирургической отделение — 1 суһал операция оҕоһулунна.

Атырдах ыйын 8 күнүгэр МСЭ комиссията тахсан, 19 ыарыһаҕы көрдүлэр. Онтон 6-та саҕа көрдөрөөччүлэр.

\*\*\*

«Бастакы медицинскэй, санитарнай көмөнү оноруу» тэрээһинигэр уларыйылар тахсыбыттарынан сибээстээн, атырдах ыйын 9 күнүгэр семинар буолла. Поликлиника, «Суһал көмө», нэһиликтэр медпуунарын сулууспалара бары доруобуйа харыстабылын министрствотун биир сүрүн бирикээһинэн үлэлиэхтэрэ.

\*\*\*

Балаҕан ыйыгар модернизация программатыгар ытыллар үлэлэргэ Москвадан федеральной комиссия кэлэрэ күүтүллэр.

М.Е. ТРАПЕЗНИКОВА

Оттооһун-2012

## ОТЧУТТАР ОТЧУОТТУУЛЛАР

Тыа хаһаайыстыбатын управлениетын атырдах ыйын 13к. оперативнай иһитиннэриитинэн, Үөдэй нэһилиэгэ 1870 т оту кэбиспит (60,5 %). 1 Хомустаах - 1362 т (51,7 %), Партизан - 865 т (38 %), Никольскай - 808 т (53,9 %), Хамаҕатта - 1500 т (57,45 %) онорбуттар. Хатын Арыы - 1506 т (27,1 %), Бөтүг - 845 т (41 %), Модут - 1035 т (32,9 %), Хатырык - 1050 т оту (48,8 %), Маймаҕа - 110 т (26,9 %), Түбэ - 938 т (53,5 %), Арбын - 631 т (70,8 %), Көбөкөн - 880 т (74,3 %), Фрунзе - 252 т (59 %), 11 Хомустаах - 682 т (29 %), Искра - 490 т (84 %), Таастаах - 164 т (13,8 %), Салбан - 1046 т (64,8 %) бэлэмнэ-эбиттэр. Ленскэй нэһилиэгэ 1100 т оту кэбиспит, былаанын 78,5 % толорбут. Улуус үрдүнэн 17032 т (46,2 %) оттоммут. Хатын Арыы, Модут, Таастаах көрдөрүүлэрэ уруккуттан (атырдах ыйын 9 күнүттэн) уларыйбатах. Таастаахтар үһүс иһитиннэри ту-хары биир көрдөрүүлээхтэр. Бу нэһилиэккэ ТХУ дааннайынан 60 киһи (ТХПК - 5, б/х - 22, кэтэх хаһаайыстыбалаахтар - 33 от-чут), 30 техника, барыта 30 звено, олинигэр 4 толору механизация-лаах, 26 полумеханизированнай звено оттуу сылдыаллар.

Л. НОВГОРОВА



